

como la de gestionarlos en general, incluida la facultad de resolver mediante actos administrativos que afecten a terceros, desde el día 15 hasta el día 28 de octubre de 2025, ambos incluidos.

Notifíquese al interesado y publíquese la presente resolución en el Boletín Oficial de la Provincia de Lugo, de conformidad con lo establecido en la legislación aplicable.

O Vicedo, 14 de octubre de 2025.- El alcalde, José Jesús Novo Martínez.

R. 2853

XOVE

Anuncio

PUBLICACIÓN DO DECRETO DE ALCALDÍA NÚM. 2025/1783

Vista a Lei 7/2023, do 28 de marzo, de protección dos dereitos e o benestar dos animais que ten por obxecto establecer o réxime xurídico básico en todo o territorio español para a protección, garantía dos dereitos e benestar dos animais de compañía e silvestres en cativeiro, sen prexuízo da sanidade animal que se rexerá pola Lei 8/2003, do 24 de abril, de sanidade animal, e polas normas da Unión Europea.

Visto que, en ausencia de outra previsión na lexislación autonómica, e respectando o ámbito competencial establecido pola lexislación vixente, corresponde ás entidades locais a xestión de los gatos comunitarios, a cuxos efectos deberán desenvolver Programas de Xestión de Colonias Felinas, que terán que ter o contido mínimo do artigo 39 da Lei 7/2023, do 28 de marzo, de protección dos dereitos e o benestar dos animais.

Visto que o artigo 26.1 da Lei 4/2017, do 3 de outubro, de protección e benestar dos animais de compañía en Galicia, dispón que *“os concellos poderán establecer, conforme as condicións e os requisitos que se determinen regulamentariamente, lugares destinados a colonias felinas controladas, como un posible destino das comunidades de gatos sen propietario ou propietaria que vivan na rúa, sempre que as condicións do contorno o permitan, co fin da súa protección e control poboacional”*.

Visto o Decreto de Alcaldía núm. 2025/0646, do 26.02.2025, polo que se dispón iniciar o procedemento para a aprobación do «Programa Municipal de Xestión de Colonias Felinas do Concello de Xove».

Visto o informe do Técnico Xurídico do Concello de Xove núm. 2025/0021, do 23.07.2025.

Vista a proposta do «Programa Municipal de Xestión de Colonias Felinas do Concello de Xove», formulada o 24.07.2025 pola Concelleira de Medio Ambiente, Turismo, Coordinación co tecido asociativo e Dinamización de parroquias.

Visto que, tras a exposición pública do expediente no marco do cal se tramitou a aprobación do dito «Programa Municipal de Xestión de Colonias Felinas do Concello de Xove», non consta que se fixera ningunha alegación ou reclamación fronte ao mesmo.

Visto canto antecede, de conformidade co disposto 39.1 da Lei 7/2023, do 28 de marzo, de protección dos dereitos e o benestar dos animais, en relación cos artigos 21.1.s) da Lei 7/1985, do 2 de abril, reguladora das bases do réxime local, e 61.1.s) da Lei 5/1997, do 22 de xullo, de administración local de Galicia, dítese a presente:

RESOLUCIÓN

PRIMEIRO.- Aprobar o «Programa Municipal de Xestión de Colonias Felinas do Concello de Xove», proposto pola Concelleira de Medio Ambiente, Turismo, Coordinación co tecido asociativo e Dinamización de parroquias.

SEGUNDO.- Publicar, consonte o disposto no artigo 45.1.a) da Lei 39/2015, do 1 de outubro, do procedemento administrativo común das administracións públicas, a presente resolución no Boletín Oficial da Provincia de Lugo e, así mesmo, publicar o «Programa Municipal de Xestión de Colonias Felinas do Concello de Xove» no Taboleiro de Anuncios do Concello de Xove.

Así mesmo, consonte o establecido no artigo 5 da Lei 19/2013, do 9 de decembro, de transparencia, acceso á información pública e bo goberno, publicar o dito programa na sede electrónica do Concello de Xove.

TERCEIRO.- Informar que contra a presente resolución, que pon fin á vía administrativa, de conformidade co disposto no artigo 112 da Lei 39/2015, do 1 de outubro, do procedemento administrativo común das administracións públicas, pode interperse alternativamente recurso potestativo de reposición ante a Alcaldía do Concello de Xove, no prazo dun mes a contar desde o día seguinte ao da súa publicación, de acordo co disposto nos artigos 123 e 124 da dita lei; ou ben interpor directamente recurso contencioso-administrativo, ante os Xulgados do Contencioso-Administrativo de Lugo, no prazo de dous meses, a contar desde o día seguinte ao da súa publicación de conformidade co artigo 46 da Lei 29/1998, de 13 de xullo, reguladora da xurisdición contencioso-administrativa.

Se se optase por interpor o recurso potestativo de reposición non se poderá interpor recurso contencioso-administrativo ata que aquel sexa resolto expresamente ou se produza a súa desestimación por silencio. Todo iso sen prexuízo de que poida interpoñerse calquera outro recurso que puidese estimarse máis conveniente ao seu dereito.

Xove, 14 de outubro de 2025.- O alcalde, José Demetrio Salgueiro Rapa.

R. 2854

Anuncio

Mediante acordo acadado en sesión ordinaria do pleno municipal de Xove, celebrada o 13 de outubro de 2025 foi elevado a definitivo o acordo plenario provisional acadado en sesión extraordinaria de pleno celebrada o 20 de agosto de 2025, sobre aprobación do REGULAMENTO DO SERVIZO PÚBLICO LOCAL MADRUGADORES XOVESPERTA, cuxo texto íntegro se fai público, para o seu xeral coñecemento e en cumprimento do artigo 49 da LRBRL:

REGULAMENTO DO SERVIZO PÚBLICO LOCAL MADRUGADORES XOVESPERTA

PREÁMBULO

Pode definirse a igualdade como aquel principio que concede idénticos dereitos a todos os seres humanos con independencia da súa raza, sexo, relixión, condición social, ideoloxía ou circunstancias persoais.

A igualdade de oportunidades entre mulleres e homes é un principio básico e fundamental que recoñece a Constitución Española. Deste xeito, o seu artigo 1.1 establece a igualdade como valor superior do ordenamento xurídico, e o seu artigo 9.2 formula o mandato expreso aos poderes públicos para que a fagan efectiva, prohibindo no seu artigo 14 calquera discriminación por razón de sexo.

Porén, mentres a sociedade continúe aferrándose a valores tradicionais e limitadores da liberdade das persoas, normalmente mulleres, as discriminacións tamén continuarán existindo, resultando especialmente preocupante a violencia contra as mulleres, que se constitúe como unha das principais trabas para lograr a igualdade de xénero real.

O Concello de Xove, mantén un compromiso coa igualdade de oportunidades coa aprobación dos seus sucesivos Plans de Igualdade, así como coa incorporación de medidas de acción positiva co obxectivo de modificar as actuacións discriminatorias e facer presión para a eliminación dos obstáculos que impiden a participación das mulleres en igualdade de condicións que os homes en calquera ámbito da vida. A lóxica destas medidas de acción positiva deriva do recoñecemento de que a desigualdade das mulleres baséase na súa identidade de xénero.

Así mesmo, os distintos Plans Estratéxicos de Galicia para a igualdade de oportunidades entre mulleres e homes, aprobados pola Xunta de Galicia, foron establecendo os seguintes obxectivos:

- Avanzar nunha organización da sociedade sensible e favorable á igualdade entre mulleres e homes, como motor do cambio social e de progreso, na que todas as persoas na súa diversidade poidan desenvolver libremente os seus proxectos de vida.
- Transformar os valores que perpetúan a desigualdade desde a educación, principalmente a través da ruptura dos estereotipos de xénero preponderantes.
- Eliminar as brechas de xénero que persisten nos distintos eidos, en particular as que obstaculizan a plena autonomía das mulleres: as desigualdades no ámbito laboral e as dificultades para a conciliación da esfera profesional e a vida privada, en ausencia de corresponsabilidade.
- Acadar a plena participación social das mulleres e incrementar a súa presenza nas esferas de decisión e influencia.
- Impulsar o talento feminino e visibilizar as contribucións das mulleres nos distintos eidos, con especial consideración do ámbito da ciencia e da investigación.
- Contribuír ao benestar de todas as mulleres e á cohesión social, nomeadamente das mulleres en situación de discriminación múltiple, e incidir de xeito especial na eliminación dos obstáculos que agravan as desigualdades das mulleres rurais e do mar.
- Articular unha resposta institucional efectiva para a erradicación da violencia de xénero en todas as súas formas.

A conciliación e a corresponsabilidade nos usos do tempo é un dos eixes transversais dos ditos plans de intervención establecendo o reto de avanzar nunha organización social favorable á conciliación corresponsable e a un cambio cultural nos usos do tempo que permita que mulleres e homes compaxinen en igualdade a esfera privada e a profesional.